

Tugliat Tuyuutaiñ John-um

¹ Uvaña John ukpiqtuanjruat qauklinich, tuyuqtuña aǵnamun Agaayyutim piksraq-taǵikkañanun suli qitungañiñun piqpagikkamnun ilumun. Uvañahiñaunitchuña piqpaksriruanaa, aglaantuug iluqatiñ tamatkua ilisimaruat ilumutuuruamik piqpagipmigaasi.

² Piqutigiplugu ilumutuuruuq uvaptikni ittuag suli itkisipluni qañapak taimuña.

³ Uvvatuq Agaayyutim Aapauruam suli Jesus Christ Aapam Iǵñiñan ihuaqqutillañiaǵilisik suli ilunñugilusik tutqiksilitiglu ilumutuuruakun suli piqpaksriñkun.

Ilumutuuliǵlu Piqpakkunlu

⁴ Uvaña quviatchallapiaqtuña atakkii ilitchuǵigiga ilañich qitungavich iñuuniañhat ilumutuuruakun, maligutlugu Agaayyutim Aapauruam tillisaa uvaptiknun.

⁵ Aasiñ, aǵnaaq, aglañitchuña nutaamik tillit-mik ilipnun aglaan taavrumiña pigikkaptiknik aullaǵniñhaniañaglaan. Injigkpiñ uumiña, uvagut piqpakutiruksraurugut avatmun.

⁶ Taamna piqpaksriñiq uqautigikkaǵa itnautauruq: Iñuuniaqtuksraurusi tupiksriñkun Agaayyutim tillisaiñik tusaakkapsitñik aullaǵniñhaniañaglaan. Atakkii ilaan tiligaatigut iñuuniaqupluta piqpaktakun.

⁷ Iñugiaktuat kinnirit tikitchut iñupayaanun uqaqatuat nalupqinaiqhutin Jesus Christ-mik timiqañiñniplugu. Taatnatchich iñuich kinniraurut suli akililīqsuqtaurut Christ-mi.

⁸ Qaunagisitchi ilinjitñiñ. Tavra tam-mainitchumaiksi savaagikkaqsi aasiiñ Agaayyutim akilīgisigaasi inunaiǵlugu.

⁹ Kisupayaaq simmiiruaq ilisauttutaiñik Christ-ñum piqataunitchuq Agaayyutmi. Taamnaasiiñ tupiksriiruaq ilisauttutaiñik Christ-ñum piqatauruq Aapauruamīlu suli Iǵñiguruami.

¹⁰ Kiñaliqaa utlautikpan ilipsitñun quliaqtu-aqañilluni Christ-ñum ilisauttutaiñik tukkuliqñagu tupiqnun naagaqaa ilaliñagu.

¹¹ Atakkii kisupayaam paǵlagumiun kinniri piqasiqñiaǵaa pigiitchuakun savaañagun.

Aqulliich Iłammiuǵutit

¹² Uqaksraukkagāluaqtuñja aglaan uqautigisunjitkitka ukunuuna tuyuutitigun, aglaan taamuñǵuktuñja ilipnun uqaqatigiluti-naasii. Quviasuutigillapiāǵayaǵikpuk.

¹³ Qitunǵañisa aǵnam aniqatvich Agaayyutim piksraqtaāǵikkanñiñ tuyuǵaatin nayaanǵaǵmik.

Ippitchuat Makpigaaat - Agaayyutim Uqalhi
Inupiatun

The New Testament in Northwest Alaska Eskimo

copyright © 2010 Wycliffe Bible Translators, Inc.

Language: Inupiatun, Northwest Alaska (Northwest Alaska Eskimo)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files dated 31 Aug 2023

46cece15-9127-50b3-bf07-88a1082e7ab6